

შინაური  
საქმეები.

ყოველ კვირული გაზეთი.

№ 23.

შანი ორი შური

წლიური ფასი 5 მან.

წლის დამლევამდე

1 მ. 70 კ.

წელიწადი მეშვიდე.

კვირა, 13 დეკემბერი 1915 წ.

მოძავადი 1916 წლის პირველ იანვრიდან

სარწმუნოებრივ-სახოგადოებრივი გაზეთი

შინაური

საქმეები

გამოვა ჩვეულებრივი ფორმატის 16 გვერდიანი.

წლიურათ ეღირება 5 მანეთი, ნახევარი წლით 3 მანეთი.

წლიურ ხელის მომწერთ შეუძლიათ დაკვეთის დროს სამი მანეთი გამოგზავნონ ხოლო დანარჩენი მაისის დამლევს. დაკვეთა შეიძლება მხოლოდ რედაქციიდან ქუთაისში. უმორჩილესად ვსთხოვთ ადგილობრივ და თბილისის ყველა რედაქციებს ეს ჩვენა განცხადება დროგამოშვებ სამჯერ დაგვიპუქდონ და გამოცემები შეგვიცვალონ, რისთვისაც ჩვენს მზათა ვართ მათგე გადაუხადოთ.

გაზეთის დაკვეთა დღეიდანვე შეიძლება. მისამართი: „შინაური საქმეების“ რედაქცია, ქუთაისში.

რედ. მლედ. ს. მამილიძე



სამღვდელმთავრის კრების მოლო-  
დინში.

ბ.ნ. კ. ფოტსკვაძეაძის სასულიერო კონცერტის  
გამო.

ძალიან ვწუხვარ, რომ ბ.ნ. კ. ფოტ-  
ხვერაშვილის იშვიათ სასულიერო კონ-  
ცერტს ვერ დავესწარი. ცხოვრების დუ-  
ხჭირმა პირობებმა და ჩვენმა სასულიერო  
ცხოვრებებს უმფროსმა მეურნემ იძუ-  
ლებული გამხადეს ისეთ ადგილს გა-  
დავხვეწილიყავ, საიდგანაც მეტათ ძნე-  
ლია საზოგადო მაჯისცემის თვალყუ-  
რის დევნება. მე პირადად ჩემთვის არ  
ვწუხვარ, პირადი ჩემი სიამოვნებისა-  
თვის არ ვსტირი. ჩემს საკუთარ თავზე  
და ცხოვრებაზე ბევრ ძალიან მრისხანე  
ქარიშხალს გადაუვლია, მაგრამ მათ-  
თვის წარბიც არ შემიხრია. თუმცა წო-  
დებით მღვდელი ვარ, მაგრამ არავითარ  
პატიოსან შრომას არ ვერიდები. ქვას  
რომ ვკოდდე, გზას რომ ვფენდე, მა-  
შინაც კი ღრმად დარწმუნებული ვიქ-  
ნები, რომ მე ჩემს საქმეს ვაკეთებ და  
ისეთი ერთგულებით მოვკიდებ მათ  
ხელს, როგორც ყველა ჩემთვის მი-  
საწთომ ქვეყნისთვის სასარგებლო სა-  
ქმეს. დღეს, ორმოცდა ათი წლის თავ-  
ზე, სოფლის მასწავლებლობა მარგუ-  
ნა განგებამ და ამ ხვედრს, შეიძლება  
უკანასკნელსაც, ისეთივე ახალგაზდუ-  
რი სიფხიზლით და სიყვარულით ვკი-  
დივარ, როგორც მოვეკიდებოდი ამ  
სიბერის დღეს ჩვენი სასულიერო ლი-  
ტერატურის აღორძინების საქმეს, რომ  
ჩემი ცხოვრების პირობებს ხელი შეე-  
წყო და დახმარების მაგიერათ გზაზე  
არვინ გადამლობებოდა. მე ყველგან  
შემიძლია სიამოვნება ვპოვო იმ შრო-

მაში, რომელსაც მომისჯის ღმერთი,  
როგორც ერთ უმცირეს სავენახის მე-  
შაკთავანს და არც მაინცდამაინც სას-  
ყიდელზე ვიტყვი რამეს, თუ კი მე,  
დილიდგან ადრე დამაშვრალს, მეთერ-  
თმეტე ჟამზე მოსულ მუშაკთან გა-  
მასწორებენ.

მე არ ვსწუხვარ ჩემი პირადი სია-  
მოვნებისათვის მეთქი, ვიმეორებ, და  
არ შეენატრი მათ, ვინც პირად სია-  
მოვნებას მოკლებული არ არიან. მე  
ყველა ბედნიერთათვის, თუ კი ვინმე  
ასეთი მოიძებნება ჩვენში, გულით მსურს  
უთხრა: „ღმერთი შეგეწიოს, ღმერთმა  
ხელი მოგიმართოსოქო“. მე მხოლოდ  
იმას ვწუხვარ, რომ ჩვენ საზოგადოებ-  
რივ მაჯისცემის კენტროში ისეთი სა-  
სულიერო პირი არა გვყავს, რომელიც  
დაინტერესებული იყოს ამ მაჯისცემით  
და შესაფერ განათებას და გაშუქებას  
აძლევდეს ყველა საზოგადო მოვლენას.  
ჩვენ ვერ ვხედავთ ისეთ პირს, რო-  
მელსაც გული შესტკიოდეს ჩვენ სასუ-  
ლიერო საქმეებისათვის, ჩვენი ეკლესი-  
ის სვე-ბედისათვის, ჩვენი სასულიერო-  
ბის გამოფხიზლობისა და განვითარები-  
სათვის, ან მათი მოვლისა და პატრონო-  
ბისათვის.

ცოტა ხნის წინეთ ქუთაისის მათი  
იმპერატორებითი უმაღლესობა ესტუმ-  
რა. რით გამოიყენეს ეს იშვიათი შემთხვევა  
ჩვენმა ქუთაისის სასულიერობამ მათი  
ბლადოჩინებისკოპოსით სათავეში? რა  
მოახსენეს მის უმაღლესობას ეკლესი-  
ის და საზოგადოდ მართლმადიდებელ  
სარწმუნოების მდგომარეობაზე ჩვენში?  
რა სურვილები გამოსთქვეს მის წინაშე  
ამ ფრიად მნიშვნელოვან საგნებზე?

რით დააფიქრეს იგი ჩვენ ეკლესიურ-სარწმუნოებრივ მდგომარეობაზე?

ახლახან ექსარხოსი პიტირიმი გაემგზავრა პეტროგრადს, როგორც სწერდენ. საქართველოს საეკლესიო საქმეების გამო, რა გაატანეს მის მეთუფებას? რა დააბარეს სათქმელად და საშუამდგომლოდ უწ. სინოდში? რა პროექტებით აფუფეს მას უბეჯიბეები? რა გადაჭრილი მოთხოვნა წარუდგინეს? რა ჰქნა ქუთაისის სამღვდელთა თავის ბლადოჩინ-ებისკობოზით? როგორ შეხვდა ამ იშვიათ შემთხვევას?

ახლა, როცა იშვიათი ექსარხოსი, გულით და სულით მომხრე და მოყვარული საქართველოს ეკლესიისა, რომელსაც „სწამს მისი უკეთესი მომავალი“ სათავეში ჩაუდგა რუსეთის უმაღლეს საეკლესიო მართველობას და, მაშასადამე, საქართველოსასაც, რას შერებს ბა, როგორ უნდა რო შეხვდეს ქუთაისის სამღვდელთა თავის ფრიად იშვიათ და ცოტად თუ ბევრად ხელსაყრელ შემთხვევას? უფიქრია ან ფიქრობს რამეს იგი ამაზე თავის ბლადოჩინ-ებისკობოზით სათავეში?

გუშინწინ ბ. კოტე ფოცხვერაშვილის სასულიერო კონცერტი დაიდგა, რომელმაც, როგორც სჩანს, დიდი და არა ჩვეულებრივი შთაბეჭდილება მოახდინა საზოგადოებაზე. როგორ შეხვდა ამ იშვიათ შემთხვევას ჩვენი ქუთათური სამღვდელთა თავის ბლადოჩინ-ებისკობოზით სათავეში? რით აღნიშნა ეს ჩვენ ცხოვრებაში არა ჩვეულებრივი მოვლენა? რა დაფასება, რა გაშუქება მისცა მას? რა ზნეობრივი, ეროვნული & ესტეტიური სიამოვნება იგ-

რძნო ან აგრძობინა სამღვდელთა თავის საზოგადოებას? რა ნაირათ გამოიყენა მან თავისთვის ეს შემთხვევა? დაკმაყოფილდა იგი ამ ერთი შემთხვევითი კონცერტით, თუ ფიქრობს რომ კვლავ ასეთი კონცერტი ყოველკვირა უქმე დღეს მოისმინოს საზოგადოებამ, ყველა ეკლესიებში თუ არა, ქუთაისის საკათედრო ტაძარში მაინც? საზოგადოთ, რა ჩააგონა, რაზე დააფიქრა ეს იშვიათის მოწინავე სამღვდელთა თ. ბ. ნ. კ. ფოცხვერაშვილის კონცერტმა? ნუთუ წამითი სიამოვნება განიცადეს ამ წმ. მამებმა და ამით დაკმაყოფილდნენ? ნუთუ არ შეტოვდა, არ შეინძრა მათი ჩრდილოეთის სუსხით გარინდული გული? ნუთუ არ აღიძრა სამოღვაწეოდ მათი უმოქმედობისაგან დაზანტებული ხორცი? და თუ კი, მაშ სად არის ხმა, სად არის გამოძახილი, სად არის მოწოდება, ყვილი? რათ ერთი მათგანი მაინც ხმას არ იღებს? რათ ბლადოჩინი ზომებს არ ხმარობს დროზე ისარგებლოს კონცერტის გავლენით? ნუთუ მარტო დასაბეზღებელ რაპორტების წერა კმარა, ვინ სად დაქორწინდა, ან ვინ ვის გვირგვინი უკურთხა და სხვა ამფერი? ესე ჯერ იყო აღსრულებად, ხოლო იგი (უმთავრესი) არა და ვიწყებდა, და „წარვედით და ისწავეთ, რაი არს: წყალობა მნებაეს და არა მსხვერპლი“.

იქნებ ქუთაისის მოწინავე (?) სამღვდელთა თავის ცემით და ვაშათი დააჯილდოვა ბ. კომპოზიტორი და ამით ათავეებს საქმეს? მაგრამ დავარწმუნებთ ხსენებულ სამღვდელთა თ. ბ. კოტე ფოცხვერაშვილი ამისთვის არ გაირჯე-

ბოლა. ქუთაისის საზოგადოების და სამღვდლოების ტაშის ცემა მას არ გააკვირვებდა შემდეგ იმ მოწონებისა და აღფრთოვანებისა, რომელიც გამოიწვია ხსენებულმა კონცერტმა პეტროგრადის სცენაზე რუსეთის და საზღვარგარეთის გამოჩენილ მეცნიერთა და ხელოვანთა წინაშე 1914 წლის 16 აპრილს. გარდა ამისა თვით ბ. კომპოზიტორისაკმაოდ დარწმუნებულია თავის მომზადებულობაში დასახულ მიზნისათვის და მაშასადამე კმაყოფილიც არის თავისთავისა ამიტომ მას არ ეჭირვება სხვათა მოწონება და არც არაფერს მოუმატებს იგი ისეთი კაცის ენერგიას, რომელიც უმისოდაც ვერ პოულობს თავის მოქმედების საკმაო სარბიელს, უმისოდაც შებოქილია ჩვენი ცხოვრების დუბჭირპირობებით და საშვალება არ აქვს გაშალოს იგი, დახარჯოს მომეტებული ნაწილი ამ ენერგიისა, რომ იგი მორალურ ტანჯვად, მორალურ ქლექად არ გარდაექცეს და არ შეჭამოს მისი სულიერი არსება. ცოტაა ტაში და ვაშა, ცოტაა საზოგადოების წუთიერი აღტაცება და მოწონება იმ კაცისათვის, რომელმაც ყოველივე დასთმო ხელოვნებისათვის, ყოველივე პირადი ბედნიერება შესწირა საყვარელ საგანს. კოტე ფოცხვერაშვილი ჯერ კიდევ ჩვენში უმაგალითო გზას დაადგა, უმაგალითო საგანი დაისახა ცხოვრების მიზნად — მუსიკა საზოგადოდ და ქართული მუსიკა კერძოდ. მას შეეძლო ყოფილიყო მასწავლებელიც და ჩინოვნიკიც, ისეთი პროფესიონალური ჩინოვნიკი და მასწავლებელი, რომლებსაც ბევრს იძლევა დღევანდელი ჩვენი რუსული, თუ ქართული, შკოლა. ამისთვის მას ჯანიც

შესწევდა და განათლებაც. მაგრამ, როგორც ვხედავთ, მან უარყო ერთიც და მეორეც, მან უარყო გაკაფული გზა ამ ხელობათადმი და დაადგა ხელოვნების ეკლიან და ჯერ კიდევ უდაბურ გზას. მან ალილო აულო ჩვენ ახლად დაწყებულ საზოგადოებრივ ცხოვრებას, მიხვდა მის აუცილებელ საჭიროებას და მთელი არსებით, მთელი თავის ყმაწვილოური ენერგიით და გატაცებით შესტობა ამ საჭიროებათა მორევში და დღეს სურს მისი ასე თუ ისე ამოშრობა, ამოწურვა. აი, აქ, ამ მორევის ამოშრობაში, სჭირია მას დახმარება და მისი კონცერტიც ამის წინამორბედი, ამის მთხოვნელია და არა წუთიერი სიამოვნებისა. და, თუ ჩვენ თვითმდგომარეობის უნარი გვაქვს და რამე სიამოვნებას ვაფასებთ ცხოვრებაში, უნდა ვეცადოთ ასეთი სიამოვნების გამრავლებას და მის სანიაღვრად და საყოველთაოდ გადაქცევას.

იმერეთის სამღვდლოებას არასოდეს უარი არ უთქვამს საზოგადო საჭიროებაზე. იგი ყოველთვის მზათ იყო თავის წვლილი შეეტანა ყოველ საზოგადო საჭიროების დასაკმაყოფილებლად. კერძოდ ქართულ გალობის შენახვაშიაც დიდი ღვაწლი მიუძღვის მას. უეჭველია დღესაც არ დაერიდება ამ საქმეს, თუ ვინმე მთქმელი და მჩვენებელი გაუჩნდა. ამიტომ საჭიროა დაუყონებლივ იქმნეს სამღვდლოების კრება მოწვეული, ეთხოვოს ბ. კ. ფოცხვერაშვილს ამ კრებისთვის კიდევ ერთხელ საგანგებოდ გაიმეოროს თავის კონცერტი; შემდეგ წინადადება მიეცეს კრებას ისარგებლოს იშვიათი

შემთხვევით და გამონახოს სახსარი ბ. კომპოზიტორის დასახმარებლად, თუ უკანასკნელი ინებებს თავის შრომის განგრძობას ქართული საეკლესიო გალობის აღსადგენად და დასამუშავებლად, ან ოთხხმაზე მოსაწყობად თანახმად თანამედროვე მუსიკალურ მოთხოვნილებასა აი სწორეთ ეს იქნება უდიდესი მადლობა, უდიდესი ტაში და ვაშა, მირთმეული კომპოზიტორისადმი სამღვდლოებისაგან, რასაც, იმედი გვაქვს იგი სიამოვნებით და მადლობით მიიღებს.

რედ. მღვდელი სიმონ მჭედლიძე.

**ბატ. კონტე ფოცხვერაშვილის სასულიერო კონსერტის გამომცემი.**

გაზ. „მეგობარს“ მოჰყავს პეტროგრადის გაზეთების აზრი იმ სასულიერო კონკერტის შესახებ რომელიც მას გაუმართავს პეტროგრადს 1916 წ. 16 მარტს.

გაზ. „რეჩი“ 18 მარტი 1914 წ.

„... ქართული საეკლესიო მუსიკა ძლიერ ძველი დროისაა, რადგანაც საქართველომ ქრისტიანობა მიიღო მე IV საუკუნეში ბერძნებისაგან. მიუხედავად იმისა, რომ ბერძენ მღვდელ-მსახურებმა თან მოიტანეს ბერძნული საღვთისმსახურო საგალობლები, საქართველოში შედარებით მალე შეიკვალა იგი ეროვნულ ნიადაგზე. რადგანაც საეკლესიო საგალობლები ყველგან უკეთ ინახებოდა ვიდრე საერო ხალხური, ამიტომ ქართული საეკლესიო საგალობლებიც უფრო წმინდააა და ცუდი. ამ მხრით ქართული საეკლესიო საგალობლები დიდ ინტერესს იწვევს არამც თუ მხოლოდ ეთნოგრაფიულის, არამედ წმინდა მხატვრობის მხრითაც, რადგან ქართველები ძლიერ მუსიკალური ხალხია, რომელსაც აქვს ბუნებრივი მუსიკალური გემოვნება“...

გაზ. „დენი“ 18 მარტი 1914 წ.

„... საღამო ძლიერ საინტერესო იყო სხვადასხვა თვალსაზრისით. მსმენელთა წინაშე გაიარა დიდებულმა საეკლესიო საგალობლებმა, ძლიერ ორიგინალური ჰარმონიული კონსტრუქციისამ. განსაკუთრებით საინტერესო იყო ის ნუმრები, რომელიც უცვლელად წარმოუდგენდა ნამდვილად ჩაწერილ ქართულ სახალხო საგალობლებს... შეუძლებელი იყო ტაში არ დაგვეკრა, თუმცა საეკლესიო საგალობლების შესრულებას შემდეგ ტაში აკრძალული იყო... ქართული საეკლესიო საგალობლების საღამო ამასთანვე იყო კულტურულ ეროვნული პროპაგანდის იარაღიც, მკოდნე პირები ირწმუნებოდნენ, საქართველოს ეკლესიის ავტოკეფალიის საკითხის გადაწყვეტის დროს თუ რა დიდ მნიშვნელოვან როლს ითამაშებს ის გარემოება, რომ საქართველოს ეკლესიას აქვს საკუთარი თავისებური რელიგიური მუსიკალური კულტურა“

გაზ. „ბირჟევია ვედომოსტი“.

„... საღამო მხატვრული და სამეცნიერო თვალსაზრისით ბევრის მთქმელი იყო. ქართულ საეკლესიო საგალობლებზე დიდი გავლენა მოუხდენია ქართულ ხალხურ სიმღერებს“...

ყველაზე საყურადღებოა გამოჩენილი კრიტიკოსის ნ. ბერნშტეინის რეცენზია, დაბეჭდილი „პეტროგრადის ვედომოსტებში“ 19 მარტი, 1914 წ.

„... ნამდვილი ქართული ხალხური შემოქმედების ჰარმონიული განსაკუთრებული თვისებანი ძლიერ საყურადღებოა. ევროპიელების ყური სრულებით არაა შეჩვეული ასეთ საოცარ თვისებურ კომბინაციებს.

ძლიერ საყურადღებოა „წმიდაო ღმერთო“ იმერულ-გურული კილოსი, ჩაწერილი კ. ფოცხვერაშვილის მიერ. ძლიერ საინტერესოა მისივე ალიო“...

„ყოველ შემთხვევაში ეს ძველებური საგალობლები მოწმობენ თავისებურ ხმების კულტურას იმ საქართველოში, რომელიც საერთოდ მდიდრად და გულუხვადაა დაჯილდოებული ბუნების მხრით“...

### ქართული პრესა და ჩვენი სამკლ- ნო სახეობი.

მეგობარნი ბ. კა სწერს.

ჩვენ ყურადღებას იპყრობს ის, რომ რუსეთის ეკლესიის იერარქიის უმაღლეს საფეხურზე დანიშნული იქნა ქართული ეკლესიის მოყვარული და თანამგრძობელი არქიელი და მაშასადამე ქართველობას შეუძლია ეს დანიშნულება გამოიყენოს თავისდა სასარგებლოდ.

უმაღლესს სამღვდლოებაში ექსარხოსი პიტირიმი ვერ პოულობდა სათანადო მხარის დაჭერას. პირიქით, რაღაც უცნაურის ეჭვს თვალთ უყურებდნენ მას და რაღაც წვრილმანი ანგარიშებით ხელმძღვანელობდნენ მასთან დამოკიდებულებაში. ჩვენი ეკლესიის დარაჯებმა ექსარხოსის პიტირიმის კეთილგანწყობილება ვერ გამოიყენეს ჯეროვნად. დღეს კი მაინც ეს ვაბუტების პოლიტიკა უნდა უკუვდებულ იქნეს და ნათლად, გარკვეულად სრულის პირდაპირობით იქნეს წამოყენებული საქართველოს ეკლესიის საჭიროება და ამ შემთხვევაში შეუძლია მიტროპოლიტ პიტირიმს კიდევ ერთხელ და უფრო ძლიერად დამტკიცოს მისი სიყვარული ივერიის დაჭერივებული ეკლესიისადმი. ჩვენ, რასაკვირველია, იმ უტოპისტებს არ ვეკუთვნით, რომელთაც სწამთ, რომ არსებული სისტემის შეცვლა რომელიმე კერძო პირადობას შეეძლოს, რაც უნდა ძლიერი და დიდი პირადობა იყოს იგი, მაგრამ ჩვენის ეკლესიის ბედისა და იღბლის შესვეურაათვის მომაკდინებელი ცოდვა იქნებოდა, რომ არ ესარგებლებიათ დღევანდელი მოვლენით და მიტროპოლიტის პიტირიმის კეთილგანწყობილებით. უნდა აღძრულ იქნეს ადგილობრივ უმაღლესს მთავრობასთან, რომ ახლავდნენ საქართველოს საეკლესიო სიკეთხის რადიკალურად გადაწყვეტას, ხოლო დროებით კი საქართველოს საექსარხოსო კათედრა შეეცეს ქართველ ეპისკოპოსს ან კირიონს, ან ლეონიდს. მათი ღვაწლი საქართველოს ეკლესიის ავტოკეფალიის აღდგენის საქმეში სრულიად ცნობილია და დასაფასებელი, მა-

თი მტკიცე და ენერგიული მოღვაწეობა ამ სფეროში ყველასათვის უმჯველია.

გვეყოფა იმის ლაპარაკი, რომ ჩვენ ყურმოკრილი ყმები ვართ, მზად ვართ სიკოცხლე განვიწიროთ და არავის კი არაფერს არა ესთხოვთ. თვით ყურმოკრილი მონაც იბრძვის ერთგვარი სიკოცხლის შენარჩუნებისათვის, ერთგვარი ცხოვრების კომფორტისათვის. ქართველები ერთად ერთი ხალხია რუსეთში, რომელსაც ეკლესიის თვითმართელობის უფლება აყარეს. რისთვის? რატომ? თუ სადმეა ეროვნების უფლებათა გათანასწოლება, ამ სფეროში ყველაზე უწინ უნდა იყოს, იმიტომ რომ სარწმუნოებრივი სინიდიის საქმე ყველაზე უფრო ყურადღებას უნდა იპყრობდეს თვით ავტოკრატიულ სახელმწიფოში.

წასვლის დროს მიტროპოლიტმა უთხრა ქართულ სამწყსოს წარმომადგენელთ: ენერგიული დაუღალავი შრომა და ღვაწლი თქვენ იდევალს მიგახწვევინებთო. მაშ გაიხსენოთ ეს სიტყვები კეთილი მოძღვრისა და ვაჩვენოთ მას რომ ქართველები თავისს საეკლესიო წყველ კითხვას შესაფერისი ხალხითა და ენერგიით ეპყრობიან“  
კ—ა.

ჩვენ კა უფრო ის გვინტერესებს, რომ ქართულმა პრესამ და, მაშასადამე საერო საზოგადოებამ, ხმა ამოიღო ჩვენი ეკლესიის საქმეებზე და თავის საქმედ გაიხადა იგი. ასეთი შემობრუნება დიდი ხნიდან გაბუტული პრესისა იმის თავდებია, რომ ჩვენი საეკლესიო საქმეები, ცოტა არ იყოს ერთი ნომრით მაინც აიწვევენ. აქნამდის იმას გვიკუთვნებდნენ უმაღლეს სფეროებიდან, რომ ეკლესიურ ავტოკეფალიის ნოთხოვნა მარტოდენ სამღვდლოების ოცნება არის და არა ხალხის მოთხოვნილებაო. ეხლა მათაც ხმა უნდა გაიკმოდონ და დაიჯერონ, რომ ეს ასე არ არის. რაც შეეხება აქ გამოთქმულ აზრს ჩვენ სრული თანახმა ვართ ავტორისა იმ განმარტებით, რომ თაოსნობა ამ საქმეში უნდა იკისრონ ქართლკახეთისა და ქუთაისის თავად იზნაურთა წარმომადგენელმა წინამძღოლებმა. მათი მოვალეობაა სხვათა შორის, გამოაფხადონ და აღძრან სამოქმედოთ ისეთი ეპისკოპოზები, რომლებიც თავის პირად

ცხოვრებაში წასულიან და თავის ტყავში იკრუნხებიან. დღეს ქვეყანას მოქმედი იკრუნხები, მოქმედი გაბედული თავდადებული და ვინც ამ პირობას ვერ აკმაყოფილებს, უნჯობესია ჩამოდგეს, რომ გზა მისცეს ნამდვილ მუშაებს თავდადებულებს. ვიმეორებთ, ასეთი გამოფხიზლება უზრუნველ ცხოვრებაში წასულ მოძღვრისა შეუძლიათ და კიდევ უნდა იკისრონ წინამძღოლებმა.

რაც შეეხება დაბალ სამღვდლოებას, რაკი საერო წოდებას უკვე გვერდით ხედავს, იმედი გვაქვს და დარწმუნებულიყა ვართ, რომ თავის შრომას სამშობლო მხარისა და ეკლესიის სასარგებლოდ გააორკეცებს და არაფერ სხვარბლს არ დაერიდება მიზნის მისაღწევად.

### ქართული ტიბიკონი\*)

V. საქართველოს ხანგრძლივი აზხრების მიუხედავად, კიდევ შეგვიძლია საკმარისათ გამოვიკვლიოთ და დავამტკიცოთ რომ, უძველეს დროიდანვე საღვთო წიგნები არსებობდნენ ჩვენს ენაზედ. ესენი უტყუარნი ფაქტნი არიან ქართულ წესის არსებობისა. ამით ჩვენებიდგანვე შეგვიძლია გავკიცხოთ და ჩვენის ისტორიის შტრატ ჩვეთვალათ ყველა იგინი, რომელნიც აღმოსავლეთში თუ ევროპაში, გაიძახიან, ქართული ანბანი, ქართული საღვთო წესი და წიგნები სომხურიდან არიან გადაღებულნიო და ისიც სულ გვიან.

პირველი ხელნაწერი, რომელსაც ჩვენ საბუთად ვხმარობთ არის „საქმე მოციქულთა“ (Acta Apostolorum). ეს ეკუთვნის წერაკითხვის გამავრცელებელ საზოგადოებას, გარდაწერილია IX საუკუნეში. ამას აქვს ერთი ზედ წარწერა, რომელიც იუწყება, რომ იგი დათარგმნილი იქნა იმპერატორ არკადის მეფობის მესამე წელს (395-408) და ონორიუმის შეოთხეში (395-423), ესე იგი 397 წლიდან 398 წლამდის (Cam. F. I. d., 250).

სახარებაც გვქონდა დათარგმნილი. ეს იქიდან სჩანს რომ ფარსმან მეფემ (542-557) ერთი სახარება უძღვნა წმიდა შიოს მონას-

ტრის ბერს ევაგრიუს, რომელი სახარება ფრიად კეთილათ იყო შეკერილი და ნაკუთენი ვახტანგ-მეფისა. ამაზედ ჩვენი ისტორია გვაუწყებს რომ, არჩილ I მეფემ (410-434) თავის მემკვიდრე შვილის მეუღლისთვის დაათარგმინა და მას შესთავაზა რათა გაეგო ჩვენი რჯული და ეწამა იგი, რადგან წარმართი იყო, სპარსეთის მეფის ქალი. (სამოთხე გვე., 40).

თუ კერძო პირებისთვის ჰგებდა ამისთანა წიგნები, ექვ გარეშეა რომ სასულიერო წოდებაში, საღვთო წესის აღსასრულებლოდ უფრო მეტი მოიპოვებოდა. ამით გარდა ჩვენ კიდევ სხვა სახარებები და წიგნები გვაქვს.

1.) სახარება ქსნისა ჯერეთ არ არის საფუძვლიანათ გამოკვლეული, მაგრამ ერთი ზედ წარწერის მიხედვით საკმარისათ ძველია. ქვეყნის გაჩენის წელიწადი 6110-ი უწერია, რომელიც ჩვენი სათვალავით 506 წელიწადი მოვა.

2.) ოთხივე სახარებები ურბნისისა, VII-ს. ეკუთვნიან.

3.) საღვთსაწაულონი, ფსალმუნნი, სვინაქსარნი ეკუთვნიან VII საუკუნეს. (Tan. p. 328).

4.) ივირონის სახარება 913 წელს.

5.) მთელი საღვთო წერილი ხელახლად დათარგმნა. შესწორდა და გადაწერა 978 წ. ათონის ივირონის მონასტერში.

6.) წირვა წმიდა იაკობისი IX საუკუნისა.

7.) ჯრუჭის ოთხივე სახარება გადაწერილი 936 წელს. მაშ უფრო ძველი უნდა იყოს.

8.) პარკალის სახარება გადაწერა 976 წელს.

9.) ტბეთისა გადაწერა 995 წელს. სახარებაა.

10.) სინაის მთაზედ საპსალმუნე დათარგმნა ან VII, ან VIII საუკუნეში.

11.) წირვის წიგნი (Ordo Wisioe) რომელიც ტიშენდორფმა იპოვა, სხვა ხელნაწერიდან არის გადაწერილი 941.

ამდენ საბუთების შემდეგ შეიძლება კიდევ ექვი ჰგებდეს ქართული წესის კანონიერ არსებობაზედ, როგორც მართლმადიდებელთათვის, აგრეთვე კათოლიკებისთვის? ქართული კათოლიკები მარადის იყვნენ, რაზედაც, იმედი მაქვს, სხვა დროს ცოტა რამ ესთქვა; მაშ რისთვის მათ არ ექნებათ თავიანთი წესი?...

ზემოთ მოყვანილ თარგმანთა არ ჰქონდათ კერძო ხასიათი; რომ მათი დანიშნულე-

\*) „შინაური საქმეები“ № 19.

ბა უფრო ფართო იყო და ოფიციალური, ეს სხვათა შორის სჩანს წმიდა ევთიმეს და გიორგის ცხოვრებლიდანაც, რომელი განყოფის უწინარეს აღიწერა სამოთხეში (გვე. 464-463) ნათქვამია, რომ ამ თარგმანთა განათლეს ეკლესიანი, რომ რასაც თარგმნიდას. ეკლესიაში სახმარებლად დასდებდას. (სამოთხე, გვე. 471).

რისთვის ათინის წმიდა მამებმა საღმთო ლიტურგიის წიგნები ხელ ახლავ დასთარგმნეს? ამის მიზეზს თვითვე გვაუწყებენ. თუმც ძველათგან, ამბობენ, ივერიის ეკლესიას ჰქონდა თარგმანები, რომელნიც ეკლესიებში იხმარებოდნენ, რადგანაც დროთა განმავლობაში გადაწერ-გაღმწერით დღემდის უმწიკლონი ვერ დარჩნენო, ამისთვის ახალი თარგმანი საჭირო ხდებოდა, რათა პირველნი, რომელთ მოკრება და შესწორება შეუძლებელ იყო, ერთობ ამოვარდნილ იყვნენ.

დასასრულ მოვიყვანთ კიდევ შემდეგსაც, რომლის მიხედვით ყოველი მიუდგომელი მსაჯული გარდამწყვეტელ და დამამტკიცებელ ძალათ აღიარებს. თბილისის საეკლესიო მუხტეუმში მოიპოება შესანიშნავი ხელნაწერი მეცხრე საუკუნისა № 86, რომელშიც მოთავსებულია „ჟამის წირვანი და კურთხევანი დედლისა, ეპისკოპოსისა და კათოლიკოსისა. ამის დამწერი შენიშნავს მე-167 გ.: „მე ქრისტეს მიერ სვიმონ, ქართლისა კათალიკოზმან; დავწერენ წმიდანი ესე ჟამისა წირვანი სამღვდელ — მოძღვროდ საწირავად.“ ეს დოკუმენტი თავით თვისით საკმარისია. რა საკვირველია, ამისთანა წიგნი პირველი არ იყო.

შოი მღვიმელმა საგალობლები შესთხზნა, ქართულათ რასაკვირველია, და მიერ ეათგან შოი მღვიმის ბერნი ამ საგალობლებს საეკლესიო გალობებთან ერთად ამბობდენ, როგორც მოწმობს ძველი მწერალი სამოთხისა გვე. 252. როდი შეეძლოთ ზოგი ლოცვა ბერძნულათ ეთქვათ და ზოგიც ქართულათ. ესთქვათ განყოფამდე სულ ბერძნულათ ასრულებდენ, თუნდ ზოგიერთ აზრით ეს განყოფა IX საუკუნეში მომხდარ იყოს, როგორ წარმოვიდგინოთ რომ ბერძნულ ენის დამამტკინებადართულია სამხედრო ცენზურისაგან.

ცებელ საბუთებთაგანმა ვერც ერთმა ვერ მოაწიეს? იქნება რადგან ქართულის შემოღებით ისინი ერთობ მოისპენ? ეს შეუძლებელია ვინაიდან რაც ივერიის მონასტერი ქართველებმა აღაშენეს (მე IX საუკ.) ათონის პათარედ იმ დროიდან, ძალიან ბევრ ქართველმა იცოდა ბერძნული, გაცილებით უფრო მეტმა ვიდრე ძველათ; ესენი მოწიწებით შეინახავდნენ ორიგინალურ საღმთო წიგრილს. მეორე მხრივ ჩვენ ვიცით თუ ქართველებში როგორ მოეფინა სომხური წესი. როგორც ქართველი გრიგორიანები იმყოფებიან, კათოლიკეებიც დროთა განმავლობის გამო, დაეწესენ სომხურ ტიპიკონს, ზოგნი ადრე, ზოგნიც გვიან როგორც ვიცით ისტორიიდან და განსაკუთრებით თამარაშვილის წიგნით: პასუხათ სომხების მწერლებს.

მაშ მეტი რომ არ გავაგრძელოთ გამოვლებთ რავდენიმე დასკვნას:

1) კათოლიკე ქართველები უდიდეს განსაცდელში არიან, რადგან მათ არავენ ფარველობს. სომხურ წესს ხმარობენ მათის გადავარებისათვის. ქართველ საზოგადოებამ იზრუნოს ჩვენი წესის აღდგენისათვის.

2) რომ ამ გადავარებას არ აცდეს ჩვენი ხალხი, მტრები ათას ჭორებით მოსავენ ჩვენს ისტორიას და საღმთო წესს. აქ დაეანახე მკითხველს, რომ ჩვენი ეკლესია ნაციონალური და თავისუფალი იყო 471 წლიდამ. ამასთან ჩვენი ლიტურგია ჩვენის ენით იყო ხმარებული ამავე წლიდამ მთელ ქართველ ერში. ამისთვის ქართველ კათოლიკებს აქვს იურიდიული და ისტორიული უფლება დაუყოვნებლივ დაუბრუნდნენ თავიანთ წესს, თავიანთ ენას. ამაზედ მოუწოდ ქართველ საზოგადოებას, რათა ყურნალ განუთებით შეიტანონ შეცნება ახალციხის მაზრაში.

შალვა—Lucifer.

რედაქტორი მღვდელი ს. მკედლიძე.  
გამომცემელი ი. ლევაია.

სტამბა „ძმობა“ ქარვასლ. ქ. სახ. ჩარქეციისა